

DITHOMELO TŠA DITAODIŠO TŠA MONGMOŠOMO TŠA MAFELELONG A MEI DI BATAMETŠE

PRETORIA, 24 Mei 2019 – Bašomi ba gopotšwa gore Ditaodišo ka moka tša Poelanyo ya Dipuku tša Mongmošomo tša Ngwaga ka ngwaga (EMP501), Ditefikeiti tša Motšhelo tša Mongmošomo [IRP5/IT3(a)s] le, mo go kgonegago, Ditaodišo tša go Khansela Setifikeiti sa Motšhelo (EMP601) bakeng sa nako ya 1 Matše 2018 go fihla ka 28 Feberware 2019 di swanetše go romelwa go SARS pele ga 31 Mei 2019.

Go bohlokwa kudu gore bengmešomo ba romele dipoelanyo tša bona tša ngwaga pele ga letšatši la mafelelo gomme ba fe bašomi ba bona ditefikeiti tša IRP5/IT3(a). Tše ke ditokumente tše bohlokwa tšeo di hlokalagalo bakeng sa balefela motšhelo ka noši go faela dipušetšo tša bona tša motšhelo wa letseno la beng ka Setlha sa Motšhelo, seo se thomago ka 1 Julae 2019.

Go na le dilo tše itseng go EMP501 tšeo di swanetšego go boelanywa gore thomelo ya poelanyo e tšwelele. Tšona ke:

- Ditaodišo tša Mongmošomo tša Kgwedi ka kgwedi (EMP201s) tšeo di laetšago dikgogelo tša Lefela-ka-ge-O-Gola (PAYE), Sekhwama sa Enšorensa ya go Felelwa ke mošomo(UIF) le Levi ya Tšwetšopele ya Mabokgoni (SDL);
- Ditefelo tše di dirilwego (go sa akaretšwe dikotlo le ditefelo tša ditwala);
- Ditefikeiti tša Motšhelo wa Bašomi [IRP5/IT3(a)s] tše di tšweleditšwego; le
- Ditlhakantšho tša Dikgoketšo tša Motšhelo wa Mošomong, ge eba go a hlokega bakeng sa nako yeo.

Ka go dira kgopelo ya Setatamente sa Akhaonte morago ga thomelo ya eFiling, bengmošomo ba kgona go lebelela sekoloto se sengwe le se sengwe seo se šaletšego, dipušetšo tšeo di šaletšle ditefelo tšeo di sa bewago.

Ditaodišo di ka romelwa ka @syFile™ Employer goba eFiling. Diforomo tša motšelo wa megolo tša go tlatšwa ka letsogo ga di sa dumelwa. Bengmešomo ba tlhohleletšwa go efoga sephethephethe le go dira sebaka sa diphošollo, ge eba go a hlokega.

Dikhopi ka moka tša ditaodišo tšeo di rometšwego di swanetše go bolokwa sebaka sa mengwaga ye mehlano.

Ka ge SARS e diriša tshedimošo yeo e laodišwago ke bengmešomo go tlaletša ruri dipušetšo tša motšhelo wa letseno la mong, bašomi ba gopotšwa go lekola tshedimošo go ditefikeiti tša bona tša IRP5/IT3(a) le tshedimošo yeo e rometšwego go ditefikeiti tša motšhelo go tšwa go ditheo tša maloko a boraro bjale ka dikimi tša kalafo. Ge eba tshedimošo go pušetšo ya motšhelo ga se e nepagale, mošomi o kgopelwa go ikgokaganya le mongmošomo wa gagwe goba setheo sa leloko la boraro go phošolla tshedimošo.

Diwekšopo tša thuto ya motšhelo mabapi le tirišo ya e@syFile™ le ditaodišo tša poelanyo ya dipuku tša mongmošomo tša ngwaga ka ngwaga di a hwetšagala pele ga letšatši la mafelelo go makala a go fapana mo nageng. Šetšulu e hwetšagala go wepsaete ya SARS go '[Useful tools_Learn about Tax](#)'.

SARS Contact Centre e ka kgokaganywa go 0800 00 7277 mola methalotlhallo ya ka fao o ka faelago e ka hwetšwa go websaete ya SARS ka fase ga karolo ya [Dikgwebo le Bengmešomo](#).